



A1

Hamneinstruks

for

Husnes Båtlag

Denne instruksjonen er underlagd Årsmøtet i HBL

§ 1. DATA PÅ BÅT

Som følgje av at HBL sine anlegg har avgrensingar i dimensjoneringa på brygger og slipp, er det sett krav og avgrensingar. Båtens størrelse skal ikkje overstige følgjande mål:

- A. Største båtlengd seksjon D med 10 meter utriggar, båtens LOA 11,28 m. (37 fot)
Gjeld frå og med 01.03.2008. Ikkje tilbakeverkande kraft.
- B. Største båtlengd seksjon A og B med 8 meter utriggar, båtens LOA 9,75 m. (32 fot)
- C. Største båtlengd seksjon A, B og C med 6 m. utriggar, båtens LOA 7,92 m. (26 fot)
- D. Største båtlengd seksjon C med 5 m. utriggar, båtens LOA 5,49m (18 fot)
- E. Største båtlengd seksjon C med 4 m. utriggar, båtens LOA 4,27m (14 fot)
- F. Skroglengde eksklusiv badeplattform og baugspyd maks: D: 37 fot. A og B: 32 fot og C: 26 fot.
Badeplattform som er ein integrert del av skroget skal medreknast båtens lengde.
- G. Båtlaget skal skaffe den nødvendige lengda på utriggarar og bredde på båtplass slik at dei passer til den størrelsen på den båten som medlemen har avtalt plass til.
Kostnadane dette medfører bærer av båteigar, oppskrivning av båtplass med ekstra innbetalt eingongsinnkot. **1 fot = 30,48 cm.**
- H. Båteigarar som har dispensasjon frå 37 fots grensa grunna at dei hadde båt større enn 37 fot i 2008, som ønskjer å skaffa seg annan båt, skal ikkje overstiga maksgrensa på 37 fot.

§ 2. HAMNEREGLAR

Hamnereglane beskriver ein rekkje detaljerte forhold som særleg forpliktar den enkelte båteigar. Styret skal være spesielt påpasseleg med at hamnereglane etterlevast.



- A.** Landområdet som disponerast av HBL er fullt ut Hydro Husnes sitt område, og dette medfører visse restriksjonar for HBL. Området skal haldast reint og fritt for rask og rot og ikkje brukast til lagerplass.
- B.** Medlemmene er personleg ansvarleg for at deira familie, gjester, vener og midlertidige brukarar av medlemmens båt, blir orientert om HBL sine vedtekter og plikten å følgje desse.
- C.** Båteigar skal tilvisast båt plass av hamnesjefen. Båt plass med tilhøyrande bryggje skal haldast i god orden, og skal ikkje tene som lagringsplass for lausøyre av noko slag. Teknisk tilstand skal frå tid til annan inspiseras. Kvar eigar reingjer sin båt plass for sli, blåskjel og skal fjerna alt av tau som ligg i sjø.
Om vinteren skal båt som flyt og båt plass haldast fri for snø. Båt plassen skal måkast sjølv om båten står på land. Om styret finn det formålstenleg kan snømoking av flytebryggjene organiserast ved at det kvar vinter inngåast avtale med nokre personar som for vanleg dugnadsgodtgjersle held desse fri for snø. Om det blir iverksett organisert snømoking skal styret informere om dette innan 1. november.
- D.** Ingen får flytte til annan båt plass eller bytte innbyrdes utan forhandsgodkjenning av hamnesjef. Hamnesjef skal snarast melde frå om permanente endringar til sekretær og kasserer. Ved skifte til større båt skal hamnesjefs godkjenning føreliggja på førehand.
- E.** Etter hamnesjefen si avgjerd og tilvising kan joller inntil 10 fot fortøyast på anvist stad bak på eigen båt om dette ikkje er til hinder for andre. Om vinteren kan de plasserast på anvist stad på land.
- F.** Bruk av laget sin slipp skal først på slipplista og avgrensast til det nødvendige. Når det ikkje vert arbeidd med båten skal denne straks flyttast tilbake til eigen båt plass.
- G. FORTØYINGSFORSKRIFTER SOM SKAL FØLGJAST**
1. For båtar inntil 25 fot / 2,5 tonn skal tau dimensjonen minimum være 12 mm i diameter. For større båtar krevst det forholdsvis tjukkare dimensjonar. Kvaliteten på tauet skal vera av god klasse. Kjetting og kause er strengt forbode pga. korrosjon.
 2. Fremre fortøyningstau (inn mot bryggja) kan ha fjøring som er dimensjonert i forhold til tautjukkelsen. Taua skal strammast heilt opp slik at fjøringa er i funksjon.
 3. Bakre fortøyningar (ytst på utriggaren) kan også ha fjøring, og skal strammast heilt opp slik at noko av vekta på utriggaren tener som fjøring. (Dette fordeler belastning på begge utriggarane og bind også båtane saman).
 4. Båtens baug eller utstående gjenstandar, landgangsstiger og liknande, skal ikkje ha eit overheng inn på bryggja som er større enn 0,25 meter, og bakre enden på båten skal ikkje stikke meir enn maks 1,50 meter bak utriggaren, (badeplattform ikkje medrekna). På enkelte båtar må støttefortøyning i form av spring framme og bak eventuelt brukast.
 5. Det krevst at det vert lagt ut ekstra fortøyning mot sør/nord på båtar med dispensasjon frå makslengda på 37 fot i vinterhalvåret.



- 6.** Sjå nærare detaljar i Instruks B8 - Slik fortøyer du båten din (etter anbefaling frå «Marina Solutions»)
- H.** Medlemmene pliktar å sjå etter fortøyingar og utstyr, og passe på at båten er forsvarleg sikra før hauststormane setter inn.
 - I.** HBL sitt styre pliktar å påtale uregelmessigheter overfor eigne medlemmer. Gjentakelse kan medføre eksklusjon.
 - J.** Båtens fart skal ikkje overskrida fartsgrensa angitt ved skilt på land.
 - K.** Det er strengt forbode å sløye eller dumpe fisk, tømme eller pumpe olje eller oljeholdig vatn og septik i hamneområdet.
 - L.** Oppbevaring av privat utstyr i slippus og garasje er ikkje tillate, og vil utan varsel bli fjerna. Lyset skal sløkkjast og dører låsast.
 - M.** Slippene skal alltid køyrast av personar som har nødvendig opplæring, og som er utpeikte av hamnesjef. Berre medlemmer med båtplass, og som har betalt alle årsavgiftene, kan bruka slippene, og då berre til eigen båt som høyrer til i tildelt båtplass. Opptak av framand båt kan gjerast etter avtale med slippkøyrar etter takstane i Prislista.
 - N.** Den enkelte båteigar må sjølv ha forsikring som dekkjer skade på eigen båt under opptak på slipp. I tillegg skal HBL ha skade- og ulykkesforsikring som dekker normal aktivitet på HBL sitt område, her under også bruk av slipp.
 - O.** Bruken av opplagsplassen regulerast av hamnesjefen. Telt til oppbevaring av båt er ikkje tillate. Før oppsett av båtar på opplagsplassen skal kontrakt skrivast, båtens namn, båttype og båtens lengde i fot. Båteigar er sjølv ansvarleg for eventuelle skadar som måtte oppstå under opplag, opp og utsett av båt. Opplagsplassen skal være rydda og fri for båtar og utstyr seinast 15. mai. HBL disponerer båtplassen så lenge båten står på opplagsplassen.
 - P.** Hamneanlegget har framført straum på bryggjene. Straum til oppvarming eller lufttørring skal gå over individuell målar. Medlemmer som ikkje har straumpåle og brukar straum utover lading, handverktøy, betalar ei avgift som blir fastsett av styret.
 - Q.** Kabel som vert brukt mellom straumuttak og båt skal være i en lengde, godkjent og dimensjonert i samsvar med forskrifter om elektriske lågspenningsanlegg.